

TARIKH : 2 FEBRUARI 2023
AKHBAR : BERITA HARIAN
MUKA SURAT : 6

Semua golongan boleh beli Menu Rahmah RM4.90

Semua golongan boleh beli Menu Rahmah RM4.90

Mydin yakin pihak berkemampuan tidak ambil kesempatan usaha tolong miskin tegar

Oleh Azhar Shahrulnizam dan Zuhainy Zulkifli
bhnews@bh.com.my

Kuala Lumpur: Tiada halangan kepada pelanggan untuk membeli Menu Rahmah berharga RM4.90 yang dijual di pasar raya Mydin di seluruh negara kerana ia terbuka kepada orang ramai bagi melancarkan operasi perniagaan.

Bagaimanapun, Pengarah Urusan Mydin, Datuk Ameer Ali Mydin, berkata pihaknya yakin mereka yang berkemampuan tidak akan mengambil kesempatan terhadap set menu makan tengah hari dan malam yang dijual dengan harga murah itu yang pada dasarnya bagi membantu golongan miskin tegar.

"Kita memahami apabila pertengahan bulan, ramai antara kita menjadi miskin tegar sementara, jadi kita beri kemudahan kepada mereka memesan makanan daripada Menu Rahmah.

"Sebenarnya sukar untuk kita menentukan siapa yang tergolong dalam miskin tegar, B40, M40 dan T20 yang layak membeli Menu Rahmah ini, jadi untuk mengelak pertengkaran di medan selera serta melancarkan operasi perniagaan, kita buka jualan kepada semua," katanya ketika dihubungi BH, semalam.

Kelmarin, Menteri Perdagangan Dalam Negeri dan Kos Sara



Tasman bersama isteri dan anak membeli hidangan Menu Rahmah di Mydin Wholesale Hypermarket, Bukit Jambul, Georgetown, semalam. (Foto Zuhainy Zulkifli/BH)

Hidup (KPDN), Datuk Seri Salahuddin Ayub, berkata inisiatif Menu Rahmah dilancarkan kementerianya itu membabitkan 15,000 premis menjual makanan bagi membantu mengurangkan beban kos sara hidup rakyat.

Inisiatif tak beban peniaga

Mengulas lanjut, Ameer berkata, ayam yang dijual dalam Menu Rahmah dipotong menjadi lapan bahagian, sekali gus kuantiti dan kualiti ditawarkan masih sama seperti sebelum ini.

Beliau berkata, menu disediakan setiap hari juga ditukar dengan masakan berbeza memabatkan ikan dan sayuran dalam usaha memberikan lebih banyak pilihan kepada mereka yang tidak berkemampuan.

"Kita tidak memotong ayam ke-

pada 12 ataupun 16 bahagian, sebaliknya saiz tetap sama, tetapi dengan harga lebih rendah.

"Selain Menu Rahmah, kita menjual menu RM2.50 memabatkan nasi lemak dan bihin goreng," katanya.

Ameer berkata, inisiatif ini tidak membebaskan peniaga kerana mereka mempunyai menu lain jika pelanggan tidak mahu membeli Menu Rahmah.

Katanya, peniaga memahami tanggungjawab sediakan menu berharga murah ini menyebabkan keuntungan berkurangan.

Presiden Persatuan Pengusaha Restoran Muslim Malaysia (PRESMA), Datuk Jawahar Ali Taib Khan pula berkata, inisiatif ini satu program tanggungjawab sosial korporat (CSR) bagi membantu masyarakat.

"Kita tidak boleh berfikir mencari keuntungan sahaja. Setakat ini, ahli PRESMA menyokong usaha ini dan tiada masalah dengan Menu Rahmah.

"Sesiapa sahaja yang mahu membeli Menu Rahmah akan diberikan tanpa tapisan dan saringan. Bukan tugas kita menentukan sama ada mereka asnaf ataupun tidak.

"Menu Rahmah di restoran ahli PRESMA akan diteruskan selagi ada keperluan," katanya.

Menu murah, jimatkan

Sementara itu, di Georgetown, pelbagai pihak menyambut baik usaha Mydin menyediakan Menu Rahmah yang dianggap murah dan menjimatkan bermula kelmarin.

Tinjauan di Mydin Wholesale

Sebenarnya sukar untuk kita menentukan siapa yang tergolong dalam miskin tegar, B40, M40 dan T20 yang layak beli Menu Rahmah



Hypermarket, Bukit Jambul di sini, mendapati kebanyakan pengunjung berpuas hati dengan harga dan jenis menu ditawarkan termasuk menu sarapan iaitu set nasi lemak, mi goreng, kuetiau, bihin dan nasi goreng pada harga RM2.50 setiap satu, manakala makanan tengah hari pula ialah nasi dan aneka lauk dengan harga RM4.90.

Pasangan beradik, Rosma Awang, 75, dan Khadijah, 82, berkata inisiatif itu menjimatkan dan memudahkan orang ramai menikmatinya, termasuk warga emas.

Rosma dari Batu Maung berkata, dua kali saya lihat pada harga dipaparkan kerana tidak percaya masih ada yang menjual nasi lemak dengan harga serendah RM2.50 pada masa ini.

Pekerja kontrak, Tasman Masrul, 65, pula berkata, dia mengakui harga barangan dapur dan bahan basah bagi membuat makanan meningkat pada masa ini. "Saya harap inisiatif ini dapat menjadi penanda aras terhadap pengurangan harga makanan di negara ini," katanya.

Pengurus Cawangan Mydin Wholesale Hypermarket berkenaan, Mohd Sobri Tajudin berkata, menu diperkenalkan sejak kelmarin itu mendapat sambutan baik pengunjung berkeluarga, suri rumah dan pekerja sektor perindustrian serta perkilangan berhampiran.

"Menu itu dimasak sendiri kakitangan di sini menggunakan bahan masakan segar yang dijual di pasar raya ini," katanya.